



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Eusebio Emiseno. Cap. VI.

**urn:nbn:de:hbz:466:1-12704**

fus labefactaret euerteretque. In isto concilio episcopi nonaginta ex diuersis ciuitatibus conuenerunt. Verum Maximus Hierosolymorum episcopus, qui Macario successerat, ad illud neutiquam accessit: ratus, si accessisset, se compulsum iri Athanasij abdicationi subscribere. Quinetiam Julius Romanus episcopus, neutiquam aderat: neque quemquam, qui eius locum suppleret, eo misit, idq; cum Canon ecclesiasticus iubeat, non oportere absque sententia episcopi Romani decreta ecclesiis sancire. Cogitur itaque concilium Antiochiae, praesente Imperatore Constantio, Marcello & Probino Cos. Quintus iam annus agebatur a morte Constantini istorum Cesarum Augustorum patris. Id temporis Ecclesiae Antiochenae praeuit Placitus, qui Euphronio successerat. Factio vero Eusebiana ad Athanasium falso accusandum, operam suam ac studium potissimum contulit: ac primum quod decretum, ab illis tum statutum, vio-  
lasset, scilicet quod absque consensu & sententia communis concilij episcoporum, gradum sacerdotij denuo suscepisset. Nam illum ab exilio redeuntem, suo ipsius arbitrio ad ecclesiam regendam praecepitem ruisse querebantur. Deinde quod in eius reditu, tumultu oborto, multi in seditione interiissent: quodq; illius opera alij plagi cœsi, alii in iudicium adducti fuissent. Quinetiam ea, quæ Tyri contra Athanasium acta fuere, in medium proferunt.

*De Eusebio Emiseno. CAP. VI.*

**I**nterea loci, dum ista falsa criminatio Athanasio illata est, Eusebium illum cognomento Emisenum, episcopum Alexandriæ deligunt. Quisnam iste fuerit, docet Georgius Laodicæ episcopus, qui tum in illo ipso concilio aderat. Etenim in libro illo, quem de eius vita addiderat, narrat primum Eusebium ex viris primariis Edessæ, quæ est in Mesopotamia, oriundum: & ab ineunte ætate sacris literis institutum. Deinde humaniori literatura liberaliter a doctore, qui id temporis Edessæ habitabat, instructum. Postremo sacri eloquii intelligentiam ex Patrophilo & Eusebio, qui illud ei interpretabantur, didicisse: quorum hic Ecclesiae Cæsariensis, ille Scythopolitanæ Episcopus fuit: Posthac Antiochiam, vbi Eustatium a Cyro Beræensi forte for-

## SOCRATIS HISTORIAE

tuna erroris Sabelliani accusatum, gradu deiectum esse contigerat demigrasse. Deinceps cū Euphronio, qui Eustathio successerat, vna versatum, & quo sacerdotij munus vitaret, Alexandriam petrexisse: illic philosophiae operam dedisse: postea Antiochiā reuersum, Placiti qui successerat Euphronio familiaritate usum fuisse. Inde ab Eusebio Cōstantinopolis Episcopo ad Alexandriæ episcopatū gerendum accepit: Verūm propterea, quod Athanasius à populo Alexandrino plurimum deligeretur, non eo profectum, sed missum ad urbem Emisenorum. Vbi de eius electione magna ad populum Emisenum excitata discordia (insimulabatur enim disciplinam Mathematicam exercuisse) fugam cepisse: Laodiceam ad Georgium, qui de eo multa prædicarat, se constituisse. Georgius verò illum Antiochiam deduxit, & per Placitum & Narcissum Emisam reducendum curauit: eum denuò in crimen erroris Sabelliani vocatum. Atque ista de eius electione Georgius fusiū disseruit. Ad extreūm adiungit, tum Imperatorem ad Barbaros fortè profectum, Eusebium inde abduxisse: tum pro certo compertum esse portentosas quasdam præstigias ab eo aeditas fuisse: sed de illis quae sunt à Georgio de Eusebio Emiseno commemorata, hactenus.

*Quod qui conuenerant Antiochia Episcopi, cum  
Eusebius Emisenus Alexandriam recusaret,  
Gregorio pro eo suffecto, fidei Nicæa confirmatae mutationem fieri curabant.*

C A P. VII.

**E**odem tempore cum Eusebius Antiochiae esset Episcopus Alexandriæ delectus, & eo proficiisci extimescebat, Gregorio illum episcopatus gradum deferūt. Quare confecta, fidem cōmutare laborant: qui tametsi nihil eorum, quae in concilio Niceno acta sunt, reprehendere volebant, reuera tamen fidem Consuetudinis per crebra concilia labefactare & cuertere, & alias aliter de fide decidere aggressi sunt, ut paulatim homines ad Arij opinionem impellerent. Cæterum qua ratione ista acta sint, sequenti sermone ostendemus.

Epi-